

Herberstein Sigm.: Defensio.

Uf

169



MF 169



Biblioteka Jagiellońska

SIDR0011670

MF 169

MF

Cella 3384

8

SIGISMVNDI  
Liberi Baronis  
in Herberstain.



DEFENSIO INIVSTE  
DELATORVM.

VIENNAE AVSTRIAE EXCV.  
*debat Raphaël Hofhalter.*

ca. 1556-60

SIGISMVNDVS

Liberbaro in Herber-

STAIN NEYPERG ET GVETEN-

HAG DVCATVS CARINTHIAE

Supremus Hæreditarius & Camerarius, & Dapi-

fer: Serenissimi D. Domini Ferdinandi Ro. Hung.

& Bohem. Regis, Archid. Austriae: Ærarij Con-

silij præsidens. Excellentissimo Domino Hen-

rico Lorito Glareano Patricio Claro-

nensi Poetæ Laureato Amico

suo. S. D.

EX IOANNE OPORINO TYPO-

grapho Basiliens: qui meam Moscouiam iam denuo

imprimebat, cognoui. Tibi meum opus vsq; adeo

placuisse, vt eius non solum in tuis præclaris Lucu-

brationibus ac monumentis honestam mentionem

feceris, verum etiam tua singulari autoritate atq;

eiusdem commédatione tantundem effeceris, vt ab

alijs plurimis nunc passim & legatur & commen-

derur. Quo quidem nomine magno affitior gau-

dio, Laborem nimirum nostrum probari tibi Viro,

quem omnes docti non minimum cum doctrinæ

1034256

cum verò eloquentiæ principem nostro tempore per Germaniam, agnoscant & obseruent. Porro & si nulla prorsus intercedente inter nos familiaritate aut quouis merito sed sola humanitatis ratione nostræ Moscouiæ cum summa laude memineris, meq; tibi eo nomine multum debere fateor, & cum in præsentiarum gratitudinem hanc aliter referre non possum: Existimabã tamen me tibi rem haud quam ingratam facturum, præsertim cum sciam te ardentissimo animo veritatem hystoriarum nostri temporis amplecti & literis mandare. Si ea quæ à quibusdam scriptoribus temere & falso in lucem prodire, & quæ ego compertissima habeo, quæq; oblata occasione in publicum profero. Si ea ipsa utcunq; vere tamen scripta ad te transmitterem, ut haberes nimirũ rem certam ac indubitam, quam in hystoriam, si quando hoc genus argumenti tractaturus sis, referre atq; quodãmodo inferere posses.

**F**idelium Præceptorum monita, ut oracula obseruanda, re ipsa comperi. Nam cum maiorũ consilio & mea voluntate ad arma me contuleram, fidelissimus Præceptor Magister Georgius Razenperger (quem ob eius bonitatem fidelitatem vitæq; integritatem ijs infero) me hortatus est, ne literas omnino postponerem, & ut saltem vnicam horam in die lectioni deputarem, id mihi profuturum pol-

licebarur

licebarur, feci, aliquando legi Historias præsertim, quas cum modernorum scriptorum percurrerem, reperio in certis multũ à veritate aberrasse, forte ex nimio affectu, aut adulando, aut etiam vana relatione bonis viris detraxisse, alijs plus iusto tribuisse. Hinc duo mihi euenere, alterum vt tanto minus veteribus credam. Simul cum ego in publicis diu versatus sum, posse quod alijs accidit, mihi contingere, & cum habeã causam quæ me quodammodo sollicitum facit. Volui viuens ad huc non mihi solum verum etiam veritati ipsi subuenire. Vir omni laude dignus Guilhelmus Baro de Rogendorff fidelissimus, constantissimusq; Et si sub Buda Generalis Dux exercitus Anno Domini M. D. XLI. calamitoso belli exitu, inælitior factus erat, Is tamen antea nunq; dum Diuo Maximiliano, & Carolo Imperatoribus in Italia & Hispanijs, atq; etiam Ferdinando Rom. &c. Regi officia præstabat, vilius inconstantia aut infidelitatis insimulatus fuit. Quo nomine impius atq; crudelis videtur is, qui tantum virum, in extrema senectute constitutum, nihilq; magis cogitantem, quam vt honestam nominis sui existimationem, conseruaret, laudemq; rebus præclare gestis partam, apud omnem posteritatem retineret, tam horrendo prodicionis crimine insimulare atq; iam mortuum turpiter traducere, inq; vulgus nescio quæ crimina de eo spargere

A iij. iulius

ausus est. Quanquam quis miretur hæc nostro infelicissimo ac perditissimo seculo fieri, cum videamus Clarissimis Ducibus ab æterno fere fatale fuisse, ut in ultimo vitæ actu circumuenti inuidia, in minutaq; dignitate in ipso contumeliæ dolore vitam clauderent.

**E**quidem hæc non ex aliquo singulari erga hunc virum affectu, scribo. Siquidem mihi, nec sanguine, nec affinitate iunctus erat, nec vlllo suo patrocinio, aut quouis auxilio dum viueret me, iuuuit, habere potius causam si quidq; eiusmodi in eo excessus reperissem aut scirem, grauius in eum inuehendi quam defendendi, cum eo tempore inter reliqua mala, duos summæ spei viros, nominis mei, alterû nepotem ex amantissimo fratre germano amiserim, Sed sola instituti mei atq; adeo veritatis ratione impulsus, ea duntaxat, quæ ipse compertissima habeo scribo.

**E**tenim cum à Serenissimo Rom. Rege mense Martio ad illum Budam obsidere tendentem missus fuisset, eum tum officium vigilantissimi Ducis præstare facile animaduerti. Dein rursus mense Augusto cum Cæsareæ Maiestatis Oratore Ioanne Thoma Pico Comite Mirandulæ, cum sub Budam venissemus, plenaq; mandata haberemus, cum illis,

qui Budam tenebant, de conditionibus tractandi, & modo, quo Buda in manibus eorundem permaneret, & ne in manus infidelium perueniret, Sed hanc rem honestis rationibus transigendam ac constituendam, cum ab aduersarijs nec admissi, nec auditi, sed cum pernitie totius Christianitatis exclusi seu repudiati fuisset. Castra tum diligenter perlustrantes atq; omnes conditiones Exercitus nostri considerantes, reperimus non proditione non minima cuiusq; malignitate, sed fatali quadam necessitate exercitum nostrum, in extremo versari periculo. Id quod statim post communi omnium malo experti sumus. Aduolante etenim potentissimo Christianorû hoste. Exercituq; nostro vtrinq; oppugnato atq; profligato, Budam proh dolor, continuo in Turcarum manus peruenisse.

**S**ic quoq; de quibusdam personis Anno Domini M. D. XLII. à Turcis in arce Strigonien: obsessis multa contumeliosè dicta ac conficta sunt, ex quorum tamen numero, qui superstites sunt, honestissimorum ac strenuissimorum Virorum officia Regibus etiamnum præstare solent. Præcipuè autem Franciscus Salamanca qui speciatim nominatus est. Is hodie Serenissimo Ro. Regi Domino meo Clementissimo non inter postremos seruit.

Hæc

**H**Æc inquam me terrent, & admonent, vt quod illis accidit & mihi accidere posset. Siquidem à fide dignis atq; adeò principibus viris Polonis obiectū atq; quodammodo exprobratum sit, modernum nempe Moscorū principem dicitare, patrem suum à Diuo Maximiliano Imperatore, Regis titulū accepisse, atq; ob id à Poloniae Rege eundem titulum vsq; adeò requirere, vt si ille sibi Regium pariter titulum non tribuerit, nullas se pacis seu indutiarum condiciones cum eo initurum seu accepturum. Huiusmodi porrò Rhutenorum principi, Regis Titulum ab Imperatore me Nuncio missum, mihi exprobrabant. Idq; quasi in polonorum præiudicium factum esse, reprehendebant.

**T**alia me non meo tantū sed longe magis pijsissimi Imperatoris Maximiliani nomine, commouent, atq; quodammodo perturbant, præsertim cum ea re tam pium; tamq; prudentē Principem iam olim vita defunctum, in odium hominum vocent. Ego verò cum hanc rem paulo exactius mecum reputo, non nisi à maleuolis commentam ac confictam existimo, qui principibus meis odium concitare eosq; hoc nomine omnibus quodammodo exosos & suspectos reddere conantur. Quis autem vel mediocri Moscouiticarum rerum cognitione præditus,

nescit? Basilium sibi ipsi nomen regium etiam anteaq; Maximilianus Imperator quicq; negotij cum eo haberet, vsurpasse, tituloq; Czar vsum fuisse, quæ quidem dictio Regem non Imperatorem, vt sui falso interpretantur, significat, Præterea Maximilianum quo ad vixit, maiorem se nunq; recognouisse, in omnibus suis sermonibus & scriptis nomen suum Maximi: Imperatori semper præposuisse, vnde manifestum euadit. Moscum à Max: quem se inferiorem putabat, & cui se in omnibus sermonibus & scriptis præferabat, authoritatem seu titulū haud quaq; aucupasse.

**C**erte si literas Regis titulo, sibi inscriptas, ab Max: accepisset, habuissetue, Eas vtriq; Anno M. D. XXVI. quum nomine summi pontificis, Episcopus Scaren: & Cæsareæ Maiestatis Caroli, &c. Comes Leonardus Nugarolis, Ego verò Sereniss: Do: Ferdinandi nunc Rom: Regis, ad promouendas atq; faciendas indutias inter Polonū Regem, & ipsum Moscum missi eramus, in mediū attulisset, præsertim cum sub id tempus in literis indutiarū de titulo Ducatus Massouiae magna disceptatio ac difficultas inciderat, quem quidem titulum tanq; nouum & inusitatum Regi Poloniae ascribere. Moscus renuebat, post longas tamen disceptationes admisit, huius rei, ne quis dubitet, testes sunt literæ

B. induria

indutiary tunc firmatarū quæ in Archiuo Lithuanico seruantur. Porro si auctoritate literarum Max: sibi scriptarū Regis nomē vsurpare posset, aut post eius obitū Carolus Q. & Ferdinādus Rex sibi Titulum Regis inscripserent, Quanam ratione Moscus impulsus nūc ad summū Pontificē, et ipsum Cæsarem, de Regio titulo (vt fertur) impetrando laboraret, si antea ab Imperatore Maxi. aut eiusdem nepotibus eodem titulo decoratus fuisset. Quo nomine equidem miror, cur titulum Regis ab altero petat, præsertim cum alterum se inferiorem vt dictum est, existimet, alterum verò religionis causa summo odio prosequatur: Imperatoris deniq; longè maiore titulo quem sibi vsurpat neglecto, Regis nomen ambire videtur.

**C**Æterum quod ad me attinet, equidem dum Oratorem agerem, vsq; ad eò Principum meorum dignitatem omnibus in rebus constanter tuebar, vt etiam meam priuatam imminui nō passus sum, atq; ideo sæpe illorum ineptam ambitionem illusi, id quod in Moscouia nostra satis copiose declarauit, scilicet, de sinistra huius vocabuli Czar interpretatione. Ad hoc cum quidam ipsum Moscum album Regem appellarūt, vnde sibi talis titulus proueniat, nunq; rationabilem habui resolutionem, tantum abest vt aliquid præter mandatum egissem, aut adu-

latione turpi, illis quicq; illicitum tribuissem, in debitoque titulo quenq; ornassem. Profecto si aliquid tale aucupandæ beneuolentiæ gratia commissem, Moscumq; Regi titulo salutassem, iam olim delictum meum reuelatum fuisset, præsertim cum Oratores Lithuanici Regis Pol: subditi, vtriq; legationi meæ intererant, illisq; præsentibus hoc negotium agebatur. Quanam fronte igitur, si tanti criminis mihi conscius fuisset, ad D. Polonos & Lithuanos toties redire ausus fuisset? Nonne puderet me, si eiusmodi crimen firmo aliquo testimonio obijci mihi posset? Sed nondum frontem, gratia Deo, perfricui, quin in apertū prodire & quemlibet apertis oculis exporrectaq; fronte intueri audeo, nec etiam quemq; in medium vnq; proditurum timeo, qui me eiusmodi criminis ac perfidiæ vlla ratione insimulari nedum certo aliquo fundamento conuincere poterit. Quæ verò Maximilianum pientissimū Imperatorem commouerint, cum Mosco inire tractatus, vnde & ista suspitio initium caput, deducam.

**E**O tempore quo Vladislaus regno Poloniae, frater autē eius Casimirus magno Ducatui Lithuaniae præsidebant: Mortuo Alberto Rom: Hung: & Bohemiae Rege, Archiduce Austriae, Hungari eligendi Regis gratia conuenientes, quidam cense-



bant Reginae viduae expectandum pariendi tempus, erat enim prope partum, Maior pars expectabat Regem regnantem non infantem nasciturum, Dissidentibus itaque Hungariae proceribus, legati designati erant, ad Vladislaum Polonum, sed priusquam ad eum peruenissent, nascitur posthumus Ladislaus coronaturque, mox dein superinducto Vladislao, infans legitimus haeres, atque Rex coronatus eijcitur, & tam diu exulat dum Vladislaus ad Varnam occumberet.

**P**ost cladem Varnensem Ladislaus nemine repugnante Hungariae regnum paternum recuperat, quo regnante atque in Nandoralba, quam nostri vocant Albam Graecam, tum existente, Comes Celeiae aulicus idemque Regis cognatus ab Ladislao Huniade interficitur, idemque Ladislaus debita tanti sceleris poena Budae afficitur, eiusque frater Mathias Huniad pariter in vincula conijcitur. Mortuo Ladislao Rege Hungariae & Bohemiae, eligitur in Hungariae Regem Mathias Huniad, quem Georgius Pogebrat (qui ob Regis Ladislai mortem in magna suspitione erat) Pragae vincitum tenebat, cum sua filia sibi desponsata Hungaris misit, se ipsum autem Regem Bohemiae fecit.

**M**athia dein Rege, sacram Hungariae coro-

nam, quam mater Ladislai Regis, vna cum filio in Austria pulsa, singulari industria asportauerat, repente, Eam nisi iure successionis in regno prius concessio ac promisso, restituere noluit, Tandem transactione facta, ac constituta, corona restituitur, reseruato nimirum Austriae principibus iure successionis, si Hungariae Rex sine masculino haerede (id quod contigit) decederet.

**V**Ladislao Regi Poloniae Casimirus frater magnus Lithuaniae Dux successit. Elisabetham praedicti Alberti Rom: Hung: & Bohemiae Regis Archiducis Austriae filiam Ladislai Regis Hungariae & Bohemiae sororem, quam Poloni miris modis extollunt, uxorem duxit, ex eaque numerosam prolem suscepit.

**G**eorgio Pogebrad Vladislaus Casimiri Poloniae Regis filius in regno Bohemiae successit.

**M**ortuo Mathia Rege Hung: uxoreque relicta: Vladislaus Rex Bohemiae, fauore & auxilio viduae sub spe matrimonij regno Hung: potitur, Cum hoc rege pariter tractatum de iure successionis ac per vtriusque regni status confirmatum fuit, vt deficiente masculino haerede Austriaca domus in regno succederet.

**M**ortuo Casimiro Poloniae Rege successit Ioannes Albertus filius, quo mortuo, Alexander, dein Sigismundus, de cuius coniuge ducenda cum incidisset consultatio, in diuersas consultantium animi distrahebantur partes.

**S**tephanus Comes Scepusij qui apud Mathiam Regem summam rerum tenebat, habebat uxorem ex Ducum Theschinensium familia, faeminam prouidam, ex qua susceperat Ioannem, Georgium, & Barbaram. Mortuo Mathia Rege Viennae Austriae, conuolabant ex omnibus partibus oratores ad Stephanum, apud quem dum de regno Hungariae tractarent, venerat a Casimiro Rege Poloniae Ioannes Laski, qui postea Archiepiscopus fuit Gnesnensis, in cuius praesentia, Stephanus Ioannem filium infantem manibus tenens, dicebat. Ioannes si esses tantulus, Rex Hung: esses, atq; ab eo tempore pater & mater Ioannis regno perpetuo inhiabant. Haec ex ore dicti Archiepiscopi Peterconiae accepi.

**E**rat nobilis Silesita Ioannes Rechenberger, Eques auratus, is seruebat Regi Sigismundo Poloniae, saepiusq; viduam Stephani Scepusien: accedebat, quo cum vidua tractabat, ut primores apud Regem Sigismundum vel muneribus induceret, quo

Regi persuaderet ut filiam Stephani in uxorem duceret, quod quidem effecerat, Rex itaq; Sigismundus Barbaram filiam Comitis Stephani Scepusien: in uxorem duxit, quae Polonis admodum grata erat, magnumq; sui apud illos desiderium reliquit.

**V**ladislaus Rex Hungariae, non celebrauit nuptias cum relicta Mathiae Regis, sed duxit coniugem ex Gallijs de familia Candale & Fuxensi, ex qua procreauerat, tunc filiolum Annam, hanc instantis: affectabat Ioannes Stephani Scepusien: filius.

**M**aximi: Imperator Rom: cum videret se iam tertio de suo iure successionis, si hoc matrimonium succederet, detrudi, continuo animo secum agitare atq; ut prouidus Princeps multa expendere ac circumspicere cepit. Primum suspicabatur Regem Sigismundum, Sororio suo Ioanni Scepusien: fauere, qui apud fratrem Regem Hungariae multum poterat.

**V**idebat praeterea eundem Sigismundum maternae hereditatis nomine principatus, Austriacos, ac si illis mater eius nunquam renunciaisset, postulare, atq; ob eam causam arma & insignia Austriae tanquam hereditaria ferre, Repetere denique dotem matris, quasi nondum solutam, quo nomine cautiones quantum in Austria iuris haberent (nam partes

regnum Hungariæ: & Bohemiæ, ipsi possidebant) proferebantur, his rationibus ac postulacionibus impulsus Maximilianus, oratores suos ad Basilium Magnum Ducem Moscouiæ misit, foedusq; cum illo certis conditionibus iniit, Dissidentibus itaq; duobus illis principibus, nascitur Vladislao Regi Hung: Ludouicus filius, quo nato, eo tandem peruentum erat, vt Sigismundus & frater Vladislauus vna cum filio & filia, Polonium venirent atq; inter Ludouicum Regem & Mariam neptim Maximiliani ex filio Philippo Hyspaniarum Rege atq; Maximilianũ ipsum aut alterum ex nepotibus Carolum & Ferdinandum cum Anna filia Vladislai Matrimonium contraherent, quibus quidem sponsalibus foeliciter Viennæ Austriæ, (quo Reges & Regiulæ conuenerant) conclusis, pace, concordia, amicitia, inter Maximilianum & Sigismundum firmatis, veteriq; odio prorsus submoto: Maximi: Cæsar statim post ad Moscouiæ principem misit atq; rursus duos illos inter se dissidentes Principes me Oratore in gratiam redigere satagebat.

**P**Aulo, post Sigis: Rege Polonia Cracouiam reuerso: Barbara sua coniunx moritur, Porro tanta intercesserat inter Maximilianum & Sigismundum amicitia, vt Sigis: mortua sua conthorali, cõstanter diceret, se sine scitu & volũtate Maximiliani vxorẽ

non ducturum, Maximilianus itidem dixit me præsente, Cum hoc Rege se, quocunq; voluerit, vel in coelum vel ad inferos iturum, Dein quia Sigismundus Rex masculo hærede careret, suasisit Maximilianus, me internuntio vt bonam Ducis Mediolani filiam, ex qua Sigismundum Augustum & quatuor filias suscepit, duceret. Hoc connubio, multi Poloni putabant, Max: occulto se quasi vlciscendi de Polonis studio, hanc immisisse fæminam. Hæc quidem infatiam mihi dicere non erubuerunt, quæ tamẽ prolem illis non ingratam peperit & hæredem.

**P**ost Maximiliani Imperatoris obitum, magnus Dux Moscouiæ misit suos Oratores in Hyspanias ad Carolum Quintum Imperatorem, sollicitando, vt tractatus cum Maximiliano initos confirmaret, Carolus verò Cæsar remisit illos ad fratrem tunc Archiducem Austriæ, Mox vtriusq; fratris Oratores constituti: quo equidem tempore hanc legationem nomine Principis mei iam denuò suscipere coactus fueram, atq; tum de titulis alijsq; necessarijs quibusdam rebus, tempestiue admonui. Porro ingressi iter cum Cracouiam, Rege tum præsente venissemus, in tãtam suspicionẽ veneramus, propterea quod Mosci Oratores ex Hyspanijs redeuntes, nos committarentur, vt nobis neq; hospitium de-

signauerāt neq; obuiam quemq; iuxta eorū con-  
suetudinem miserant, mox intellecta nostra lega-  
tione ac cognita cōstantia & firma Principum no-  
strorū amicitia humanitus tractabamur, Moscouiæ  
tandem conclusis ac firmatis quinquenalibus indu-  
tijs. Cracouiam reuersi veteri more, pro honore  
principum nostrorum humaniter accepti & tracta-  
ti fuimus.

**H**is itaq; verè deductis ac ordine expositis, omni-  
bus testatum ac notum esse volui. Principes meos  
semel renouata cum Regibus Poloniæ ac reinte-  
grata beneuolentia, Eisdem deinceps haud quaq;  
simulata, sed vera ac firma semper prosecutos fuisse  
beneuolentia, Eamq; post Matrimonij vinculo  
confirmasse, quo dein morte dissoluto, altero con-  
nubio veluti nouo atq; longè arctiore, solidæ, con-  
stantissimæ ac perpetuæ amicitia vinculo colligaf-  
se, atq; inuolabilem reddidisse, Ea deniq; re Prin-  
cipes meos, id quod quilibet æquus rerum iudex  
intelligit, occasionem illis vicissim benemerendi,  
gratiam reponendi, atq; mutuam beneuolentiam  
perpetuo ac sanctè conseruandi præbuisse.

**Q**uod ad me attinet. Equidem fateor me hæ-  
tenus omni genere officij ac inseruendi studio er-  
ga Serenissimos Poloniæ Reges promptissimum  
exhibuisse.

exhibuisse. Deq; suarum celsitudinū subditis omnī  
beneuolentia ac benemerendi voluntate quoad de-  
bui, & potui, paratum ac promptum fuisse, & in  
futurum pariter, me omnia quæ illis grata scilicet  
esse facturum polliceor.

**H**æc itaq; scribere atq; in publicum dare volui,  
quod videam plures hoc nostro tempore qui dum  
Historias scribunt affectu & falsa relatione magis,  
quam veritate rerum adducti non personas solum  
sed & nationes perstringere, vanitatem sæpe pro ve-  
ritate in lucem ædere. Innocentes deniq; in-  
tollemandis conuitijs, ac contumelijs con-  
taminare audent, Vt ex his veritas  
appareat, & si quis secus de hac  
re scripserit, vanum id esse  
posteritas intel-  
ligat.

Z

Faint, illegible text, possibly bleed-through from the reverse side of the page.



Z

K.B.

